

ПАЙШАНБА КУНЛАРИ ЧИҚАДИ

ЎЗБЕКИСТОН РЕСПУБЛИКАСИ БОЛАЛАР ЖАМҒАРМАСИ ҲАФТАЛИГИ

БАҲОСИ 5 СЎМ



Суратчи: А. ТЎРАЕВ

СЕҲРЛИ ДУНЕ



## ЖАМҒАРМА ФАОЛИЯТИДАН

Ўзбекистон республикаси Болалар жамғармасининг барча бўлимларида иш қизгин. Иқтисодий қийинчилик даврида ўз ҳудудларидаги ногирон ва муҳтож болаларнинг аҳолидан хабарлашиш, уларга моддий кўмак бериш ҳар бир бўлимнинг асосий бурчи ҳисобланади.

Сирдарё вилояти бўйича 510 нафар ногирон бола бор. Улардан 310 нафари II-гурӯҳ ногирони. 1992 йил давомида жамғарманинг вилоят бўлими 30 та маҳсус аравача тарқатиб, кўнгли ярим гўдакларнинг бир қисмини бўлса-да хушнуд эта олди. Янги йил арафасида 220 та байрам совғалари тайёрлаиб, муҳтож хонадонларга тортиқ қилинди.

Жамғарманинг вилоят бўлими раиси Муборак Ғаниеванинг айтишича, бундай хайрли тадбирлар ўз-ўзидан бўлаётгани йўқ. Биринчи ўринда шу ҳудуддаги иқтисоди мустаҳкам ташкилотлар кўмаклашаётган бўлса, сўнгра савобталаб, ташкилотчи инсонларнинг сайё-ҳаракатлари билан бу ишлар амалга оширилмақда.

«Бизнинг қилаётган ишларимизни халқ кўриб турибди, — дейди Муборак опа. — Етимхоналарга, дардманд, ногирон болалар ҳузурига бориб, улар билан дардлашиб юганимиздан кўпчилик огоҳ. Шундай кезларда ҳар қандай одамнинг меҳри ошиб, шу гўдаклар учун нимадир қилгиси келиши табиий. Яқинда вилоят ун завўди директори Асқаржон Алламурадov ўз жамоаси номидан жамғарма ҳисобига 100 минг рубл ўтказди. Комсомол тумани «Ленинград» давлат хўжалиги ҳам 100 минг. Гулистондаги Деҳқонobod жамоа хўжалиги 10 минг рубл ўтказиб, шундай тақчиллик шароитида руҳимизга далда, кўчимизга куч қўшиб турибди. Уларнинг барчасига раҳмат деймиз».

Меҳр-оқибатли эл ҳеч қачон оч қолмайди, дейишгани нақадар ҳақ. Эл аро меҳр-оқибат барқарор экан, демак қийинчиликлар, албатта, ўтқинчидир.

## КЕЙИНГИ СОНЛАРДА:

ШОДИЕР

МУТАҲҲАРХОН УҒЛИ:

МОЛ ВА ЖОН ҚАЙҒУСИ





